

სატენდერო დოკუმენტაციის 2.2.1 პუნქტით (პრეტენდენტის გამოცდილებასთან დაკავშირებული მოთხოვნები) განსაზღვრული დამატებითი შენიშვნები:

1. იმ შემთხვევაში თუ კომპონენტი N1-ით ან კომპონენტი N2-ით გათვალისწინებული მომსახურება ან სამუშაოები მიწოდებულია ერთობლივი საქმიანობის ხელშეკრულების ფარგლებში ამხანაგობის ან ერთობლივი საწარმოს ან სხვა გაერთიანების მიერ და წინამდებარე ელექტრონულ ტენდერში მონაწილეობას იღებს ერთობლივი საქმიანობის ხელშეკრულებით გათვალისწინებული გაერთიანების (ამხანაგობა ან ერთობლივი საწარმო ან სხვა გაერთიანება) რომელიმე მონაწილე თავისი სახელით დამოუკიდებლად, პრეტენდენტმა დამატებით უნდა წარმოადგინოს დამკვეთის (შემსყიდველი) ან ერთობლივი საქმიანობის ხელშეკრულებით გათვალისწინებული ყველა მონაწილის მიერ დადასტურებული დოკუმენტაცია ან ინფორმაცია, რომელშიც მითითებული იქნება თუ რა შინაარსისა და ღირებულების მომსახურება ან სამუშაო არის მიწოდებული წინამდებარე ელექტრონულ ტენდერში მონაწილე პრეტენდენტის ან ამხანაგობაში შემავალი პირის მიერ.

2. იმ შემთხვევაში თუ პრეტენდენტის მიერ წარმოდგენილი დოკუმენტაციით ან ინფორმაციით ვერ დგინდება, რომ წარმოდგენილი ხელშეკრულებების ფარგლებში კომპონენტი N1-ით გათვალისწინებული მომსახურება ან კომპონენტი N2-ით გათვალისწინებული სამუშაოები სრულად არის დასრულებული, წარმოდგენილი უნდა იყოს დამკვეთის (შემსყიდველი) მიერ გაცემული წერილობითი ინფორმაცია, რომელშიც მითითებული უნდა იყოს ხელშეკრულების საგანი, შესრულებლის დასახელება, გაწეული მომსახურების ან შესრულებული სამუშაოების საბოლოო ღირებულება და მომსახურების ან სამუშაოების დასრულების თარიღი. წერილობითი ინფორმაცია გაცემული უნდა იყოს წინამდებარე ელექტრონული ტენდერის გამოცხადების თარიღის შემდეგ.